

PERLEMBAGAAN PERSEKUTUAN  
PERATURAN-PERATURAN PEGAWAI AWAM  
(KELAKUAN DAN TATATERTIP) 1993

BAB [ D ] bi. 8  
BAHAGIAN II - KELAKUAN.

- 8 (1) Tertakluk kepada peruntukan peraturan ini, seseorang pegawai **tidak boleh menerima atau memberi**, atau tidak boleh membenarkan isteri atau suaminya atau mana-mana orang lain menerima atau memberi bagi pihaknya, secara langsung atau tak langsung, apa-apa hadiah ( sama ada dalam bentuk zahir atau selainnya ) daripada atau kepada mana-mana persatuan, badan, orang atau kumpulan orang jika
- (a) Penerimaan atau pemberian hadiah itu mempunyai kaitan, dengan apa-apa cara, dengan pelaksanaan tugas awam pegawai itu; dan
  - (b) Bentuk amaun atau nilai hadiah itu tidak sepadan dengan maksud hadiah itu diberikan.
- (2) Ketua jabatan boleh membenarkan seseorang pegawai menerima surat pujian daripada mana-mana persatuan, badan, orang atau kumpulan orang sempena persaraan atau pertukarannya dengan syarat bahawa surat pujian itu tidak terkandung dalam bekas yang bernilai
- (3) Ketua jabatan boleh membenarkan pungutan sumbangan secara spontan oleh pegawai-pegawai dibawahnya bagi maksud membuat sesuatu penyampaian kepada seseorang pegawai dalam jabatannya sempena persaraan, pertukaran atau perkahwinan pegawai tersebut atau perkahwinan anak pegawai tersebut atau sempena apa-apa upacara lain yang sesuai.
- (4) Jika:-
- (a) Seseorang pegawai berasa ragu-ragu tentang sama ada bentuk, amaun atau nilai hadiah yang diterima olehnya adalah sepadan dengan maksud hadiah itu diberikan; atau
  - (b) Hal keadaan menyebabkan sukar bagi seseorang pegawai untuk menolak sesuatu hadiah atau cenderamata yang bernilai, yang penerimaannya dilarang oleh peraturan ini.
- Maka hadiah itu boleh **diterima secara rasmi** tetapi pegawai itu hendaklah, dengan seberapa segera yang praktik, mengemukakan suatu laporan bertulis kepada Ketua Jabatan yang mengandungi perihalan lengkap dan anggaran nilai hadiah dan dalam hal keadaan yang hadiah itu diterima.
- (5) Apabila diterima laporan yang dibuat dibawah subperaturan (4), Ketua Jabatan hendaklah memutuskan samaada
- (a) Untuk membenarkan pegawai itu menyimpan hadiah itu; atau
  - (b) Untuk mengarahkan supaya hadiah itu dikebalikan kepada pemberinya melalui Ketua Jabatan
- (6) Bagi maksud peraturan ini, Ketua Jabatan ertinya Ketua Setiausaha sesuatu Kementerian atau ketua jabatan di peringkat ibu pejabat, mengikut mana-mana yang berkenaan
- 9 Seseorang pegawai boleh memberi atau menerima apa-apa jenis **keraian** kepada atau daripada mana-mana orang jika :-
- (a) Keraian itu tidak dengan apa-apa cara mempengaruhi pelaksanaan tugas rasminya sebagai seorang pegawai awam bagi kepentingan orang itu; dan
  - (b) Pemberian atau penerimaan keraian itu tidak dalam apa-apa cara tak konsisten dengan tatakelakuan yang ditetapkan dibawah peraturan (4).

***Dari Abu Hamid R.A katanya***

**“ Rasulullah s.a.w telah berkhotbah dihadapan kami; setelah beliau memuji Allah dan menyanjungNya, berkatalah beliau " Amma ba`du, saya telah mengangkat seorang Pegawai Pengumpul Zakat ; orang ini datang membawa harta, seraya berkata "ini zakat, dan ini pemberian orang kepada saya" kata beliau pula : Jika benar begitu, mengapa dia bukan duduk-duduk saja dirumah ibu bapaknya sampai pemberian itu datang kepadanya; demi Allah! Barang siapa diantaramu yang mengambil sesuatu dari zakat yang bukan haknya, nescaya ia akan menjumpai Allah ta`ala kelak dihari akhirat sambil mendukung barang yang telah dicuri itu. Disana nanti saya akan dikenal-benar kepada orang yang mendukung unta yang menguak-nguak, sapi yang melanguh-languh dan kambing mengembek-ngembek."**

***Hadith Sahih Muslim m.s 101 jilid 3 hadis no. 1123***

***[ Pemberian rakyat kepada pegawai negeri hukumnya haram walaupun dengan seribu dalih ]***